

«ԵՐԵՎԱՆՏՐԱՆՍ» ՓԲԸ-ի տնօրենի ժամանակավոր պաշտոնակատար
պրն. Մարտին Քալաշյանին
Հասցե՝ ՀՀ, 0031, Երևան, Լենինգրադյան փող., 16

Օրինակը՝
ԵՏ-ԳՀԱՊՁԲ-2024/06 ծածկագրով ընթացակարգի գնահատող հանձնաժողովին

«ՄՈՍԷՍԲՈ» ՍՊԸ-ի տնօրեն Կ. Գրիգորյանից
Հասցե՝ ՀՀ, ք. Երևան, Նար-Դոս 75
Էլ. փոստ՝ mosesco@rambler.ru
Հեռ: (010) 577-505

Դիրքորոշում
«ՀԱՅԲ-21» ՍՊԸ-ի կողմից ներկայացրած եզրակացության վերաբերյալ

Հարգելի՛ պարոն Քալաշյան,

«ԵՐԵՎԱՆՏՐԱՆՍ» ՓԲԸ-ի կողմից վերջինիս կարիքների համար հայտարարվել է խտանյութերի ձեռքբերման նպատակով ԵՏ-ԳՀԱՊՁԲ-2024/06 ծածկագրով գնանշման հարցում (այսուհետ նաև՝ Ընթացակարգ):

ԵՏ-ԳՀԱՊՁԲ-2024/06 ծածկագրով ընթացակարգի արդյունքում «ԵՐԵՎԱՆՏՐԱՆՍ» ՓԲԸ-ի և «ՄՈՍԷՍԲՈ» ՍՊԸ-ի միջև կնքվել է ԵՏ-ԳՀԱՊՁԲ-2024/06-1 ծածկագրով պայմանագիր:

Պայմանագրի արդյունքում «ՄՈՍԷՍԲՈ» ՍՊԸ-ի հետ յուղերի հանձնման-ընդունման գործընթացին մասնակցել է նաև «ՀԱՅԲ-21» ՍՊԸ-ն որպես հանրային հսկող և տվել է եզրակացություն:

Եզրակացությամբ նշվել է հետևյալ դիտողությունները.

«-«Մոսէսքո» ՍՊԸ-ի հետ կնքված պայմանագրի տեխնիկական բնութագրում հստակ նշված է /Արդյունաբերության բնութագրերի API SN ACEA A3/B4, API SN/CF ACEA A3/B4/: Ընկերության կողմից մատակարարվել է ՌԴ-ում արտադրված Լուկոիլ ընկերության արտադրանքը հանդիսացող յուղեր և ներկայացվել է նույն ընկերության արտադրանքի անձնագրերը, որում բացակայում է API սերտիֆիկացման մասին տեղեկությունը: Տվյալ սերտիֆիկացման վերաբերյալ տեղեկատվություն առկա է միայն ապրանքի պիտակի վրա: Ցանկանում ենք տեղեկացնել, որ API սերտիֆիկացումը տրամադրում է միայն Ամերիկյան նավթային ինստիտուտը, որի պաշտոնական կայքում հրապարակվում է այդ սերտիֆիկացումն անցած արտադրողների ցանկը: ՌԴ-ում արտադրված Լուկոիլ ընկերության արտադրանքը այդ կայքում բացակայում է. ավելին ստորև ներկայացված հղումով հստակ նշված է, որ API սերտիֆիկացումն ԱՄՆ-ի կառավարության կողմից 17.03.2022թ. դադարեցվել է Ռուսաստանի Դաշնության տարածքում և ՌԴ-ին գրանցված արտադրողների համար, հետևաբար նրանք չեն կարող անցնել API սերտիֆիկացում:..

Ամփոփելով՝ «ՀԱՅԲ-21» ՍՊԸ-ն որպես հանրային հսկող, տալիս է բացասական եզրակացություն «Մոսէսքո ՍՊԸ-ի կողմից մատակարարված ՌԴ-ում արտադրված Լուկոիլ

ընկերության ապրանքներին և գտնում է, որ «Մոսէսթո ՍՊԸ-ի կողմից մատակարարված ապրանքները չեն համապատասխանում կնքված պայմանագրի տեխնիկական բնութագրի պահանջներին, և ենթակա է վերադրաման՝ պայմանագրով նախատեսված տույժերի կիրառմամբ:»

Համաձայն ԵՏ-ԳՀԱՊՁԲ-2024/06-1 ծածկագրով պայմանագրի՝

2.2 կետի համաձայն՝ Գնորդը պարտավոր է՝

2.2.1 Կատարել պայմանագրին համապատասխան մատակարարված ապրանքի ընդունումն ապահովող բոլոր անհրաժեշտ գործողությունները:

2.2.3 Պայմանագրով նախատեսված կարգով և ժամկետներում մատակարարված ապրանքն ընդունելու դեպքում Վաճառողին վճարել վերջինիս վճարման ենթակա գումարները, իսկ վճարման ժամկետի խախտման դեպքում՝ նաև պայմանագրի 6.5 կետով նախատեսված տույժը:

2.3 կետի համաձայն՝ Վաճառողն իրավունք ունի՝

2.3.1 Գնորդից պահանջել ընդունելու պայմանագրով նախատեսված կարգով, ծավալներով, ժամկետներում և հասցեով մատակարարված ապրանքը:

2.3.2 Գնորդից պահանջել վճարելու պայմանագրով նախատեսված կարգով, ծավալներով, ժամկետներում և հասցեով մատակարարված և Գնորդի կողմից ընդունված ապրանքի համար իրեն վճարման ենթակա գումարները:

4.1 կետի համաձայն՝ Վաճառողը երաշխավորում է մատակարարված ապրանքի որակի համապատասխանությունը պետական ստանդարտի պահանջներին:

6.6 կետի համաձայն՝ Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

Եվ այսպես՝

ԵՏ-ԳՀԱՊՁԲ-2024/06 ծածկագրով գնման ընթացակարգի, իսկ այնուհետև նաև կնքված ԵՏ-ԳՀԱՊՁԲ-2024/06-1 ծածկագրով պայմանագրի տեխնիկական բնութագրով նախատեսվել է «Արդյունաբերության բնութագրերի SAE մածուցիկություն 5W-30 API SM ACEA C3 A3/B3/B4»:

Հայտնում ենք, որ անհասկանալի պայամաններում «ԵՐԵՎԱՆՏՐԱՆՍ» ՓԲԸ-ի կողմից դադարեցվել է ԵՏ-ԳՀԱՊՁԲ-2024/06-1 ծածկագրով պայմանագրի շրջանակներում «Մոսէսթո» ՍՊԸ-ի կողմից ապրանքների հանձնման-ընդունման ողջ գործընթացը, մեր կարծիքով՝ հաշվի առնելով «ՀԱՅԲ-21» ՍՊԸ-ի կողմից կազմված ոչ իրավաչափ /չհիմնավորված/ եզրակացությունը, որտեղ մասնավորապես նշվել է կայքէջի հղում, որով իբր թե հիմնավորվել է այն հանգամանքը, որ ՌԴ-ում արտադրված *Լուկոիլ* ընկերության արտադրանքը այդ կայքում բացակայում է. ստորև ներկայացված հղումով հստակ նշված է, որ API սերտիֆիկացումն ԱՄՆ-ի կառավարության կողմից 17.03.2022թ. դադարեցվել է Ռուսաստանի Դաշնության տարածքում և ՌԴ-ին գրանցված արտադրողների համար, հետևաբար նրանք չեն կարող անցնել API սերտիֆիկացում:

Մինչդեռ անհասկանալի է, թե դա ինչ կայք է և ինչու պետք է այդ կայքում հրապարակվեր Լուկոիլ ընկերության արտադրանքը, քանի որ Ռուսաստանի Դաշնության տարածքում API սերտիֆիկացման մասով ԱՄՆ-ի կառավարության կողմից 17.03.2022թ. դադարեցնելու մասին կայացված որոշումը՝ բացառապես վերաբերելի է պետական հիմնարիկներին /արտադրողներին/, իսկ Լուկոիլ ընկերությանը չի հանդիսանում պետական հիմնարկ:

Հայտնում ենք, որ «ԵՐԵՎԱՆՏՐԱՆՍ» ՓԲԸ-ի և «ՄՈՍԷՍԹՈ» ՍՊԸ-ի միջև կնքված ԵՏ-

ԳՀԱՊԶԲ-2024/06-1 ծածկագրով պայմանագրի շրջանակներում «Մոսէսքո» ՍՊԸ-ի կողմից մատակարարված ապրանքը յուղերը, համապատասխանում է ԵՏ-ԳՀԱՊԶԲ-2024/06 ծածկագրով ընթացակարգի տեխնիկական բնութագրի պահանջներին: Մասնավորապես, Լուկոիլ ընկերությունը ունի API սերտիֆիկացումը, որպես ապացույց ներկայացվում է Լուկոիլ ընկերության կողմից տրված 16.05.2024թ. թիվ 02-06-033 գրությունը:

Հայտնում ենք, որ «ՀԱՅԲ-21» ՍՊԸ-ի կողմից տրված եզրակացությունը անհիմն է և ոչ իրավաչափ և այն չի կարող հիմք հանդիսանալ «ԵՐԵՎԱՆՏՐԱՆՍ» ՓԲԸ-ի կողմից ԵՏ-ԳՀԱՊԶԲ-2024/06-1 ծածկագրով պայմանագրով հանձնման-ընդունման ողջ գործընթացը կասեցնելու համար:

Բանն այն է, որ ԵՏ-ԳՀԱՊԶԲ-2024/06-1 ծածկագրով պայմանագրով հստակ սահմանված է թե պայմանագրով նախատեսված հանձնման-ընդունման կարգը և թե պայմանագիրը լուծելու կարգը:

Նման պայմաններում գտնում ենք, որ «ՀԱՅԲ-21» ՍՊԸ-ի կողմից տրված եզրակացությունը չունի որևէ իրավական հիմք, այն ընդամենը մասնավոր կարծիք է (եզրակացություն կարող է տրամադրել բացառապես պետական իրավասու մարմնի կողմից հավատարմագրված կառույցը), ուստի այն չի կարող կաշկանդել «ԵՐԵՎԱՆՏՐԱՆՍ» ՓԲԸ-ին իրականացնելու ԵՏ-ԳՀԱՊԶԲ-2024/06-1 ծածկագրով պայմանագրով նախատեսված իր պայմանագրային պարտավորությունները:

Ելնելով վերոգրյալից՝ խնդրում եմ հանձնարարել կազմակերպել ԵՏ-ԳՀԱՊԶԲ-2024/06-1 ծածկագրով պայմանագրի շրջանակներում «Մոսէսքո» ՍՊԸ-ի կողմից մատակարարվելիք ապրանքների հանձնման-ընդունման բնականոն ընթացքը, հակառակ դեպքում «Մոսէսքո» ՍՊԸ-ն ստիպված կլինի իր խախտված իրավունքների պաշտպանությունը իրականացնել դատական կարգով:

Կից ներկայացվում է Լուկոիլ ընկերության 16.05.2024թ. թիվ 02-06-033 գրության պատճենը:

Հարգանքով՝
«Մոսէսքո» ՍՊԸ-ի տնօրեն՝



Կարեն Գրիգորյան

20.05.2024թ.

Генеральному директору
ООО «МОСЭСКО»№ 02-06-033 Дата 16.05.2024

Григоряну К.В.

на № _____ от _____

О соответствии заявленным свойствам

Уважаемый Карен Ванушевич!

Настоящим письмом сообщаем Вам о том, что технологии, используемые в нижеперечисленных моторных и трансмиссионных маслах, прошли программу лабораторных, стендовых и моторных испытаний и соответствуют указанным ниже спецификациям:

Продукт	Спецификация
LUKOIL GENESIS ARMORTECH JP 5W-30	API SP/SP-RC/SN PLUS/SN-RC/SN
LUKOIL GENESIS UNIVERSAL 10W-40	API SN/CF

Обращаем внимание, что сведения об области применения, соответствии требованиям спецификаций и типовых показателях качества указаны в технических описаниях (TDS) продуктов LUKOIL, размещённых на сайте <https://lukoil-masla.ru>.

С уважением,
Начальник Управления
научно-технического развития



В.Е. Тугусов

Исп. А.В. Разина
Тел.: (495) 981-31-19